



6. december 2013

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

**KNI A/S-ip siulersuisui, aqutsisui, ingerlatsiviup aqunneqarnera aammalu pisut pillugit akisussaassuseq pillugu Naalackersuisunut apeqqutit**

(Inatsisartuni ilaasortat Knud Kristiansen aamma Gerhardt Petersen, ATASSUT)

Assut uissuummissutigisatsinnik atuarpagut kukkunersiuisartut Deloittekkut pissutsit immikkut ittut pillugit misissuinini aallaavigalugu nalunaarusiaa aammalu pisortap Claus Jensen-ip atorfeqartitaanera pillugu eqqartuussissuserisut Malling & Hansen Damm-ikkut inatsisitigut naliliinerat.

Tassunga tunngatillugu ATASSUT-mit apeqqutit makku akineqarnissaat kissaatigivagut:

**1) KNI A/S-ip aqutsinikkut ilusilersugaanerata iluarsiivigineqarnissaa pillugu Naalackersuisut qanoq pilersaaruteqarpat?**

*tunngavilersuut:*

Eqqartuussissuserisut aammalu kukkunersiuisut misissuinerisa naliliinerisalu kingunerisaanik pissutsit assigiinngitsut saqqummertut toqqissisimanginnermik pilersitsippat qularutiginnilarpullu KNI A/S-ip tatiginassusianik annertuumik innarliisut, taamatut pisoqarsinnaasimavoq naak massa Namminersorlutik Oqartussat annertuumik suliniuteqarnerisigut ingerlatseqatigiiffiit aqutsilluarnissaannik aammalu sinaakktassat aalajangersimasut tunngavigalugit annertoorujussuarmik suliaqarsimagaluartut. Qularnangilluinnarporlu ingerlatseqatigiiffiup KNI A/S-ip, inuiaqatigiinnut pingaaruteqarluinnartumik inissisimasup aqutsinikkut ilusilersugaanerata sanngueqqutigisimasaasa iluarsiivigineqarnissaa pisariaqarluinnarsimassasoq.



## ATASSUT INATSIARTUNI

---

2) **KNI A/S-ip siulersuisuisa tatiginassusaasa aaqqiivigineqarnissaat siunertaralugu Naalakkersuisut qanoq pilersaaruteqarpat?**

*Tunngavilersuut:*

Siullermiilinnigilaq Inatsisartut aammalu inuiaqatigiit isiginnittuutinneqartarmata Namminersorlutik Oqartussat ingerlatseqatigiiffiisa arlaanni ajornartorsiortoqartillugu siulersuisuni ilaasortat ilaasa tunuariataartarnerat. Taamatut tunuartoqarnerit tamarmik Namminersorlutik Oqartussat ingerlatseqatigiiffiisa tutsuiginassusiannik apeqqusiinerit annertuut pilersinneqartarput.

Tassunga tunngatillugu isumaqarpugut Namminersorlutik Oqartussat tungaannit siulersuisuni ilaasortassatut piukkunnaateqartunut erseqqissumik aammalu assortuussutissaanngitsumik piumasaqaateqartoqartariaqartoq, tamannalu pisinnaavoq siulersuisuni ilaasortassatut piukkussat ajornartoortoqartillugu qanoq aaqqiiniaqataasinnaassuseqarnerannik siulersuinngortitsinnginnermi paasiniaaffiginnittalernikkut. Isumaqarpugut ajornanngippallaartoq aammalu akikippallaartoq “qimagutiinnapajussalluni” tamatumalu kingorna ingerlatsivimmik pineqartumik isornartorsiutinik saqqummiussissalluni, uffa massa pissutsit qanoq issimanerisa qulaajarneqarneranni ersersinneqartaraluartoq siulersuisunut ingerlatseqatigiiffimmullu pitsaanerpaasimassagaluartoq ingerlatseqatigiiffiup ajornartorsiorterani siulersuisut tungaannit ataatsimoorluni iliuuseqaqatigiinnissaq.

3) **Pisortaasimasup aammalu siulersuisuni siulittaasusimasup akisussaaffimminnik sumiginnaasimari ingerlatseqatigiiffimmullu innarliisimani tunngavigalugit akisussaaffimmik inissiisoqarnissaanik Naalakkersuisut sulissuteqassallutik pilersaaruteqarpat?**

*Tunngavilersuut:*

Kukkunersuisartut Deloittekkut pissutsit immikkut ittut pillugit misissuinini aallaavigalugu nalunaarusiaa aammalu pisortap Claus Jensen-ip atorfeqartitaanera pillugu eqqartuussissuserisut Malling & Hansen Damm-ikkut inatsisitigit naliliinerata ersarilluinnartumik ersersippaa pissutsini arlalinni pisortaasimasup aammalu siulersuisuni



## ATASSUT INATSIARTUNI

---

siulittaasuusimasup tungaannit sumiginnaanerit annertuut aammalu akisussaaffimmik sumiginnaanerit imaannaangitsut pisimasut, ilaatigut avataaniit suliaqartitsisimanerit arlallit akissarsitinneqartarsimapput atorfeqartitsinermut assingisunik, taakkulu takusinnaasarpur naapertorlugu, Kalaallit Nunaanni akileraartarnikkut aqutsisoqarfimmut nalunaarutigineqartarsimangillat, tamatuma saniatigut annertoorujussuarmik inuttut nammineq imminut iluaqtississimanerit nassuiaatissaqartinneqanngitsut ersersinneqarput il.il..

Isumaqarluinnarpugut tassunga tunngatillugu sulissutigineqartariaqartoq akisussaaffimmik inissiisoqarnissaa, taamaaliornikkut siunissaq eqqarsaatigalugu ersersinneqassammat Namminersorlutik Oqartussat ingerlatseqatigiiffiini pissutsit taamaattut akuersaarneqanngitsut aammalu akisussaassusilimmik ingerlatsisoqarnissaanut piumasaaqatit ersarilluinnartut avaqqunniarneqarsinnaanngitsullu atuuttariaqarmata, taannalu qulakkeerniarlugu qaqugukkulluunniit atuuttussamik ingerlatseqatigiiffiup iluani kukkunersiunerimik ingerlatsisoqassasoq aammalu nakkutilliisoqassasoq naapertuuttumik ingerlatsisoqarnera qulakkeersimaneqaqqullugu.

#### 4) **KNI A/S-mi avataaniit suliaqartitat killilersimaarneqarnissaat siunertaralugu Naalakkersuisut sulissuteqassamaarpat?**

*Tunngavilersuut:*

Avataaniit suliaqartitsisarnermut tunngatillugu piomallerlunilu killeqanngitsorsuarmik suliaqartitsisarneq ingerlanneqarsimarpassippoq, misissuinerimmi ilaatigut ersersippaat Naalakkersuisut siulii ataatsimeersuarneq avaqqullugu iliuserineqartunut akuusimasut, tassami angalaqatigiit siulersuisuni siulittaasoq siuttoralugu USA-mi angalaarsimapput, angalanermilu tassani pisortaasimasoq sulii atorfinitsinneqarani peqataasimavoq aammalu suliffeqarfik "Ciboe ApS"-imik taaguuteqartoq ilaasiomavoq. Kukkunersiuisut misissuinerannut atatillugu siulittaasuusimasoq nassuiaateqarsimavoq angalaneq siunertaqarsimasoq "USA-mik niueqateqalersinnaaneq siunertaralugu misissuinerimut atasoq, isumaqatigiissutigineqarsimasorlu Naalakkersuisuusimasut paaseqatigalugit."



## ATASSUT INATSIARTUNI

---

- 5) **Kukkunersiuisartut Deloittekkut pissutsit immikkut ittut pillugit misissuinini aallaavigalugu nalunaarusiaa aammalu pisortap Claus Jensen-ip atorfeqartitaanera pillugu eqqartuussissuserisut Malling & Hansen Damm-ikkut inatsisitigut naliliinerat tunngavigalugu KNI A/S-imut tunngatillugu Naalackersuisut maani eqqaaneqanngitsumik allamik ilisimatitsissuteqarusuppat?**

Naalackersuisut akissuteqarnissaat qilanaaralugu utaqqissavarput naatsorsuutigaarpullu ullut sulliviusut qulit qaangiutsinnagit akissutisisimassalluta.